



Kristian Jeremiassen
Inatsisartunut Ilaasortaq, Siumut
/Maani

**§ 37 naapertorlugu apeqquteqaatinut nr. 2011-86-mut Qeqertani
innaallagissiorfimmud tunngasumut akissuteqaat**

Asasara Kristian Jeremiassen

Aallarniutigalugu apeqqutivit taama kingusitsigisukkut akineqarnerat ajuusaarutigaa. Ajonaluartumik allakkat – allaffissornikkut kukkuneramik pissuteqartumik – piffissaliussap iluani nassiutinngitsoorneqarsimanerat tamatumunnga pissutaavoq.

Qujavunga apeqquteqaatinut ukuusunut:

1. Qeqertani innaallagissiorfiliornissaq pilersaarutaava?

Qeqertani innaallagissiorfiliornissamut pilersaaruteqanngilaq. Tamatumunnga tunngaviuvoq Qeqertani inuttussusermut naleqqiullugu sanaartornermut aningaasartuutissat naapertuutinngitsumik annertoorsuusussaanagerat.

Nukissiorfiit siusinnerusukkut missiliuinerugallartumi ilisimatitsissutigaat Qeqertani innaallagissiorfiliussagaanni aningaasartuutissat 5,175 - 9,5 mio. koruuninik annertussuseqassasut. Aningaasartuutissanut pilersuinerup qanoq iluseqarnissaata toqqarneqarnera apeqqutaassaaq. Tassunga ilanngunneqassapput pilersuinerumi ukiumoortumik ingerlatsinermit aningaasartuutaasartussat, soorlu assersuutigalugu uuliamut, sulisunut aserfallatsaaliinermullu.

2. Pilersaarutigineqarpat qanoq tamanna ingerlanneqassava?

Qulaaniittoq takuuk.

3. Innaallagissiorfik sananeqalerpat qanoq aningaasartortoqassava?

Qulaaniittoq takuuk.

**4. Qeqertat eqqaanni qaleralerfiup nassaarineqarnerata kingunerisaanik
Qaanaap eqqaani tunitsivissat piorsarneqalersaarpat?**

Ane Hansen, Aalisarnermut, Piniarnermut Nunalerinermullu Naalakkersuisoq, ima akissuteqarpoq:

17. maj 2011
Sagsnr. 2011-048719
Dok. Nr. 611106

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

"Pissusissamisuusaaq tunitsiveqarnermut tunngasut sumiiffimmi aalisagaqassuseq naapertorlugu naleqqussarneqartassappata.

Ilisimatitsissutigissavara 2011-mi Namminersorlutik Oqartussat Qaanaami tunitsivimmut tunngatillugu Arctic Green Food A/S-imut kiffartuussinissamut isumaqatigiissuteqarmata. AGF-ip nalunaarutigaa 2011/12-mi Qaanaami tigooraasinnaanertik piorsaaviginiarlugu, taamaaliornikkut sumiiffimmi tulleriissaartumik aaqqissuusaaqsumik aalisarnerup ingerlanissaa ineriartortikkumallugu.

Aalisarnermik pitsanngorsaaniarluni ingerlatsinissamut maligassiuisussat pingaarnepaat tassaapput sumiiffimmi aalisartut ingerlatseqatigiiffiillu, aalisarnermik suliaqarnermik pisuussutit pissarsiarineqarsinnaasut tunngavigalugit ingerlatserusuttut. Ilisimatinneqarpunga Qaanaap eqqaani aalisarnerup inerisarneqarnissaa pillugu Qaasuitsup Kommuniata Thule Fond-illu akornanni suleqatigiilluartoqartoq.

Qaasuitsup Kommuniata ilisimatitsissutigaa Qeqertat eqqaanni aasakkut immap naqqani uuttortaaniarlutik. Suliniutit ingerlasut tamaasa isumalluarfigaakka, qaleraleqassuseq aalisagaqassuserlu pillugit ilisimasani annertusaammata."

5. Qeqertani telefonikkut telefaxikkullu attaviit pitsanngorsaavigineqarniarpat?

Maannakkut Qeqertanut attavituaavoq radiotelefoni atorlugu attaveqaat oqarasuaatitut telefaxernermullu atorneqarsinnaasoq. Radiotelefoni innaallagissiuut Qeqertaniittoq ikumatillugu aatsaat atorsinnaavoq.

Maannakkut oqarasuaatikkut, faxikkut imaluunniit oqarasuaatinik angallattakkanik attaveqaatit ilaqqinnissaat pilersaarutigineqanngilaq.

6. Moriusaq maannakkut inoqanngitsoq qanoq iliorfigineqalersaarpa?

Moriusamit innuttaasut tamarmik nuummatali pisortanit pilersuineq tamarmi unippoq.

Suliffeqarfiit namminersortitat nunaqarfimmi atortunik pigisaqartut illuutitik, atortuutitik allallu sanaartukkat pigisatik avatangiisinut maleruagassat atuuttut malillugit piassavaat.

Neriuppunga apequtigisatit naammaginartumik Inatsisartunilu sulininni atorneqarsinnaasumik akisimassallugit.

Inussiarnersumik inuulluaqqusillunga

Jens B. Frederiksen